






THE CATHOLIC DIOCESE OF MBULU
BISHOP NICODEMUS HHANDO COLLEGE OF HEALTH SCIENCES


 Bishop Nicodemus Hhando College of Health Sciences,
P.O. Box 260, Babati – Manyara


 Cell: 0752774573, 0687241817


 Email: bashnethealthcollege@gmail.com


 Website: www.bnhchs.ac.tz



 Chuo cha Sayansi za afya Cha Askofu Nichodemus Hhando,
S.L.P 260, Babati – Manyara

 Simu: 0752774573, 0687241817

 Barua pepe: bashnethealthcollege@gmail.com

 Tovuti: www.bnhchs.ac.tz

NDUGU:.....

YAH: KUCHAGULIWA KUJIUNGA NA MAFUNZO YA STASHAHADA YA UTABIBU KWA MWAKA WA MASOMO 2026/2027

Napenda kuchukua nafasi hii kukupongeza na kukutaarifu kwamba Wizara ya Afya kwa kushirikiana na Baraza la Taifa la Elimu ya Ufundi na Mafunzo ya Ufundi Stadi (NACTVET) imekuchagua kujiunga na mafunzo ya **Stashahada ya Utabibu** katika Chuo cha **Bishop Nicodemus Hhando College of Health Sciences**, kinachomilikiwa na Kanisa katoliki Jimbo la Mbulu. Chuo kipo kata ya Bashnet, wilaya ya Babati Mkoa wa Manyara, kilomita 60 kutoka mji wa Babati, barabara ya Babati kuelekea Mbulu au Haydom kupitia Dareda hadi Dongobesh.

Chuo hiki kilianzishwa Mwaka 2014 na kimesajiliwa na NACTVET kwa usajili nambari **REG/HAS/149**, chuo kilipata ithibati (*full accreditation*) ya NACTVET kwa kutoa mafunzo ya ngazi ya stashahada. **Mafunzo haya ni ya miaka mitatu (3).**

Chuo kitafunguliwa tarehe 05 Octoba 2026 na hivyo unapaswa kuripoti chuoni kati ya tarehe 05 Oktoba 2026 hadi 12 Oktoba 2026 kuanzia saa 1.30 asubuhi hadi saa 11.30 jioni.

Masomo yataanza rasmi tarehe 12 Oktoba 2026. Endapo utashindwa kuripoti ndani ya wiki moja tangu chuo kufunguliwa nafasi yako itapotea na kujazwa na muombaji mwingine.

Ili kukamilisha usajili na kupokelewa chuoni unatakiwa kufanya yafuatayo: -

- i) Kukamilisha malipo ya ada kama ilivyoainishwa katika jedwali la gharama za mafunzo. Malipo haya yatafanyika kupitia benki kwa kutumia namba ya akaunti na majina kama ilivyooneshwa hapo chini. Mwanafunzi ambaye hatalipa ada iliyoainishwa kwenye kipengele hicho hatapokelewa. *Endapo kuna changamoto inayopelekea kutokamilisha malipo mzazi/mlezi anapaswa kuwasiliana na uongozi wa chuo mapema.*
- ii) Pima afya yako katika hospitali (sio zahanati/kituo cha afya) inayotambulika na kujaziwa Fomu ya Matibabu (Medical Examination Form) kabla ya kuripoti chuoni.
- iii) Kujaza Fomu ya Uthibitisho wa Uti wa Sheria na Taratibu za Chuo utakayopewa ufikapo chuoni. Unakumbushwa kuzisoma na kuzielewa sheria zote kabla ya kusaini.
- iv) Kujaza Fomu iliyoambatishwa inayohusu Taarifa za Wazazi/Walezi wako
- v) Kununua vifaa vyote vilivyoainishwa katika **SEHEMU B** vitakavyokuwezesha katika mafunzo yako uwapo chuoni. Hii ni pamoja na sare za chuo.

SEHEMU A: MAELEKEZO YA MALIPO

MALIPO YA ADA KWA MWAKA WA MASOMO 2026/2027

SN	ITEM	YEAR 1	YEAR 2	YEAR 3
1	Tuition fees	1,230,000.00	1,230,000.00	1,230,000.00
2	Internal examination fee	100,000.00	100,000.00	100,000.00
3	Student Identity Card	10,000.00	0	0
4	Caution Money	50,000.00	50,000.00	50,000.00
5	Medical Capitation *	50,500.00	50,500.00	50,500.00
6	Renovation and maintenance	200,000.00	200,000.00	200,000.00
7	Registration fees	30,000.00	0	0
8	NACTVET Quality Assurance	20,000.00	20,000.00	20,000.00
9	Diocese /CSSC	50,000.00	50,000.00	50,000.00
10	External examination fee	150,000.00	150,000.00	150,000.00
11	Procedure book	30,000.00	30,000.00	30,000.00
12	Graduation	10,000.00	10,000.00	50,000.00
13	Student union	10,000.00	10,000.00	10,000.00
14	Field work supervision	0	40,000.00	40,000.00
		1,940,500.00	1,940,500.00	1,980,500.00

**Medical capitation ni kwa ajili ya bima ya afya, kwa wenye bima tayari hawatalipa hela hiyo.*

AWAMU ZA MALIPO YA ADA NA MICHANGO KWA MWAKA

Ada na michango inalipwa mara nne kwa mwaka wa masomo (Mzazi/Mlezi zingatia tarehe ya mwisho ya malipo kwa kila awamu).

AWAMU	TAREHE YA MWISHO YA MALIPO	KIASI	
AWAMU YA KWANZA	KUSAJILIWA MUHULA WA KWANZA	800,000.00	
AWAMU YA PILI	03 JANUARI	400,000.00	
AWAMU YA TATU	KUSAJILIWA MUHULA WA PILI	400,000.00	
AWAMU YA NNE	01 JUNI	YEAR 1	340,500.00
		YEAR 2	340,500.00
		YEAR 3	380,500.00

Malipo yote yafanyike benki na unapolipa tafadhali ANDIKA MAJINA KAMILI YA MWANAFUNZI AMBAYO PIA YAMETUMIKA KWENYE USAJILI.

Karatasi ya malipo (Bank slip) ifike ofisi ya mhasibu ndani ya mwezi moja tangu malipo yafanyike).

Jina la akaunti: **BISHOP HHANDO HEALTH COLLEGE.**

Namba ya akaunti: **40710007896, NMB BANK –BABATI.**

Mwanafunzi anapaswa awe amemaliza kulipa fedha zote za ada ya muhula mmoja kabla ya kuanza muhula mwingine, vinginevyo hataruhusiwa kufanya mitihani ya mwisho wa muhula.

NB:

1. Mwanafunzi anatakiwa kuwa na kadi ya bima ya afya ili imsaidie atakapohitaji huduma ya matibabu. Kulipia gharama za matibabu ni jukumu la mzazi. Ili mwanafunzi aweze kusaidiwa kupata kadi ya bima ya afya, mzazi ana wajibu wa kuhakikisha mwanafunzi huyo ana namba ya kitambulisho cha NIDA na kiwango cha fedha kinachotakiwa kwa ajili ya malipo hayo. Namba ya kitambulisho cha NIDA ni muhimu wakati wa usajili wa mwanafunzi katika Huduma za Bima ya Afya.
2. Mzazi atawajibika kulipa gharama za mafunzo kwa vitendo mwanafunzi atakapokuwa kwenye mafunzo kwa vitendo nje ya chuo. Gharama hizi zinaweza kujumuisha malazi, chakula, usafiri na gharama zitakazotakiwa kila mwanafunzi kukilipa kituo cha mafunzo kwa vitendo.

SEHEMU B: MAHITAJI YA MWANAFUNZI AWAPO CHUONI

Yafuatayo ni mahitaji muhimu ambayo mzazi/mlezi utapaswa kumuandalia mwanafunzi kabla ya kufika chuoni.

I. SARE:***Wasichana:***

- a) Magauni mawili (2) meupe ya mikono mifupi yenye kola na urefu unaopita magoti anapokuwa ameketi; magauni hayo yasiwe na ribbon/urembo.
- b) Viatu vyeusi vyenye kisigino kifupi kisichotoa sauti wakati wa kutembea sakafuni na soksi nyeupe, Makoti mawili (2) meupe (ya mikono mirefu).
- c) Nguo maalum kwa ajili ya kuvaa chumba cha upasuaji (theatre scrubs) rangi ya bluu/kijani.

Wavulana:

- a) Suruali mbili (2) za kitambaa cha rangi ya khaki (isiwe “cardet” au “jeans”).
- b) Mashati mawili yenye rangi nyeupe yenye mikono mifupi na yasiyo na urembo.
- c) Viatu vya ngozi vyenye rangi nyeusi visivyotoa sauti wakati wa kutembea sakafuni na soksi nyeupe.
- d) Makoti mawili (2) meupe (ya mikono mirefu).
- e) Nguo maalum kwa ajili ya kuvaa chumba cha upasuaji (theatre scrubs) rangi ya bluu/kijani.

NGUO ZA BARIDI (JAKETI /SWETA)

BASHNET ni eneo lenye baridi kali hivyo mzazi/mlezi anashauriwa kumnunulia mwanaye nguo nzito.

- Sweta/Jacket iwe nyeupe isiyo na michoro, maandishi wala mistari ya michirizi kama ya jezi za michezo na isiwe na kofia ya kufunika kichwa.
- Mwanafunzi anaruhusiwa kuwa na scuff nyeupe kwa ajili ya baridi.

NB: Mara utakapofika chuoni utapewa mwongozo wa mavazi utakaozingatiwa wakati wote uwapo masomoni.


II. VIFAA SAIDIZI KWA AJILI YA MWANAFUNZI

- a) Vifaa vya kuandikia kwa mfano madaftari, kalamu, rula n.k.
- b) Nguo na viatu vya michezo mbali mbali.
- c) Ndoo kubwa ya plastiki (ujazo wa lita 20) ya kutunzia maji.
- d) Mwamvuli au koti la mvua.
- e) Shuka nne (4) zenye rangi ya light blue kwa wavulana na pink kwa wasichana, mto mmoja na foronya mbili zenye rangi ya shuka, blanketi moja (1), chandarua na taulo.

III. VIFAA SAIDIZI KWA AJILI YA CHUO

- a) 'Ream' moja ya karatasi za kutolea nakala/kurudufu (photocopy) kwa kila muhula kwa wanafunzi wanaoanza na wanaoendelea.
- b) Jembe na mpini kwa ajili ya shughuli mbalimbali chuoni.
- c) Fyekeo moja kwa ajili ya shughuli za usafi chuoni.
- d) Picha nne (4) Passport size.
- e) Examination/clean Gloves box 1 kwa kila muhula kwa ajili ya mafunzo ya vitendo wodini kwa wanafunzi wanaoanza na wanaoendelea.

Ninakutakia masomo mema.


.....
FESTO DAUD CHIZA
MKUU WA CHUO



KIAMBATISHO I: Fomu ya Uthibitisho wa Utii wa Sheria na Taratibu za Chuo

Fomu ya uthibitisho wa utii wa Sheria na taratibu za chuo kwa wanafunzi waliochaguliwa kujiunga na masomo ya afya kwa ngazi za stahhada.

Jina la Chuo: BISHOP NICODEMUS HHANDO COLLEGE OF HALTH SCIENCES

Mwaka wa Masomo: 2026/2027

Kozi: UTABIBU (CLINICAL MEDICINE)

SEHEMU A: SHERIA NA TARATIBU ZA CHUO

1. Wanafunzi wote wanatakiwa kuwa katika mazingira ya shule ifikapo saa 12.00 jioni. Mwanafunzi atakayekuwa nje ya chuo zaidi ya muda uliotajwa hapo juu kwa sababu maalum anatakiwa kupata ruhusa maalum kwa maandishi (gate pass) toka kwa Mkuu wa chuo au Mlezi wa chuo.
2. Kila mwanafunzi atawajibika kwa usafi wa chumba anachoishi na usafi wa mazingira ya chuo.
3. Hairuhusiwi kubandika magazeti/vipande vya magazeti au picha kwenye kuta za majengo ya chuo.
4. Kila mwanafunzi atatakiwa kushiriki kikamilifu katika michezo na shughuli nyingine za chuo kama zitakavyoelekezwa na uongozi wa chuo.
5. Wageni hawaruhusiwi kuingia kwenye eneo la chuo bila idhini ya mlezi au Mkuu wa Chuo. Endapo mgeni/wageni watahitaji kuzunguka na kuangalia maeneo ya chuo, watatakiwa kupata kibali toka kwa Mkuu wa chuo.
6. Wageni hawaruhusiwi kuonana na wanafunzi wakati wa masomo na wanatakiwa kuwa wameondoka kwenye maeneo ya chuo ifikapo saa 12.00 jioni.
7. **Wageni wote wanaoingia chuoni kuona wanafunzi wanatakiwa kuripoti kwa mkuu wa chuo/mlezi wa wanafunzi kabla ya kuonana na mwanafunzi, kuandikisha katika kitabu cha wageni kinachoonesa jina la mgeni, mahali anakotoka, uhusiano na mwanafunzi anayemtembelea, anuani yake na muda wa kuingia na kutoka. Mwanafunzi atakayekutwa akiwa na mgeni kwenye eneo la chuo bila taarifa atachukuliwa hatua za kinidhamu.**
8. Hairuhusiwi wanafunzi wa kiume kwenda kwenye mabweni ya wanafunzi wa kike na vivyo hivyo kwa wanafunzi wa kike kwenda kwenye mabweni ya wanafunzi wa kiume.
9. Wanafunzi wanatakiwa kuvaa sare za chuo zenye staha wakati wote wanapokuwa darasani, katika mafunzo kwa vitendo hospitalini na shughuli nyingine za chuo kama itakavyoelekezwa na uongozi wa chuo.
10. Matumizi ya pombe, sigara, madawa ya kulevya hayaruhusiwi mwanafunzi anapokuwa masomoni. Mwanafunzi atakayebainika kutumia atakuwa amevunja sheria na hivyo kuchukuliwa hatua.
11. Upigaji wa kelele katika maeneo ya chuo au hospitali hauruhusiwi.
12. Wanafunzi wote wanawajibika kutunza vifaa na majengo ya chuo. Ni marufuku kujihusisha na uharibifu wa aina yeyote. Aidha, mwanafunzi atakayeharibu mali ya chuo, atawajibika kuilipa pamoja na kuchukuliwa hatua za kinidhamu.
13. Hairuhusiwi kukaa na silaha ya aina yeyote, ikiwemo kisu au panga.
14. Mwanafunzi yeyote mwenye vifaa vya umeme mdogo kama kompyuta, radio ndogo na pasi, atoe taarifa kwa Mkuu wa Chuo. Aidha, mwanafunzi haruhusiwi kuwa na jiko la aina yoyote au kifaa chochote cha kuchemshia maji (heater) katika eneo la chuo.

15. Mwanafunzi anayeumwa anatakiwa kutoa taarifa kwa Mkuu/Mlezi wa Chuo. Kila mwanafunzi anayehudhuria matibabu awe na 'sick-sheet' kabla ya kupata matibabu isipokuwa pale tu matibabu yake yanakuwa ya dharura na upatikanaji wa 'sick-sheet' ni mgumu. Hata hivyo, bado mwanafunzi huyo atatakiwa kujaziwa 'sick-sheet' wakati au baada ya matibabu. 'Sick-sheet' zote zinatakiwa kurudishwa kwa Mkuu/Mlezi wa chuo na kutunzwa kwenye majalada ya kumbukumbu za wanafunzi husika.
16. Mwanafunzi yeyote atakayethibitika kushiriki kutenda kosa la jinai atafukuzwa chuo.
17. Mwanafunzi anatakiwa kushiriki kikamilifu katika matukio yote yanayohusu mafunzo bila kukosa. Ni marufuku kwa mwanafunzi kuondoka eneo la chuo/mafunzo bila taarifa ya maandishi kutoka kwa mkuu wa chuo/mlezi wa wanafunzi.
18. Mwanafunzi haruhusiwi kutumia lugha ya matusi au udhalilishaji, kupigana, kufanya migomo, kushiriki vikao ambavyo sio rasmi, kuandamana kinyume cha utaratibu, kuiba na kumiliki mali kinyume cha sheria.
19. Mwanafunzi haruhusiwi kufanya vitendo vyenye kushawishi ngono ndani ya mazingira ya chuo na hospitali.
20. Mwanafunzi anaruhusiwa kushiriki hafla za kiimani zinazohusiana na imani ya dini mbalimbali baada ya kuwa amepata kibali kutoka kwa Mkuu wa Chuo. Aidha, ushiriki wa shughuli yoyote ya kidini itakayothibitika kuingilia ratiba ya mafunzo au uvunjifu wa amani hautaruhusiwa.
21. Mwanafunzi haruhusiwi kushiriki au kuendesha harakati za kisiasa chuoni.
22. Mwanafunzi atakayedhihirika kuwa mjamzito hataweza kuendelea na masomo. Atarudishwa nyumbani mpaka ajifungue na kulea mtoto kwa miezi isiyopungua sita. Kisha atapewa utaratibu wa kurejea na kuendelea na masomo.
23. Mwanafunzi anatakiwa kufuata taratibu zote wakati wa mitihani. Aidha kushiriki katika kughushi matokeo ya mitihani, nyaraka za serikali hakutavumiliwa, na hatua za kisheria zitachukuliwa dhidi ya wahusika.

SEHEMU B: MWONGOZO WA MAVAZI

1. NGUO ZINAZORUHUSIWA

Ili kurahisisha usimamizi wa mwongozo huu vyuoni na pia ili kuwasaidia wanafunzi waweze kufanya kilicho sahihi, ufafanuzi wa nguo zinazoruhusiwa ni kama ifuatavyo:

1.1. Kwa wasichana/wanawake

- a) Wavae sketi au gauni isiyo ya kubana, kitambaa kisichoonsha maungo ya ndani na iwe ndefu ya kuvuka magoti akiwa amekaa.
- b) Kuvaa sare pamoja na vitambulisho wakati wote wa darasa, wadini na maeneo ya mazoezi kwa vitendo nje ya chuo.
- c) Sare kwa kada za vyuo vya Afya na Sayansi Shirikishi: Gauni nyeupe ya mikono mifupi isiyokuwa na urembo.
- d) Nguo zilizoruhusiwa katika maeneo ya mazoezi kwa vitendo (mfano; koti jeupe)
- e) Nguo safi na zilizopigwa pasi
- f) Nguo za michezo na tisheti zilizochaguliwa na taasisi/ serikali ya wanafunzi.
- g) Uvaaji wa soksi ndefu za aina moja zenye rangi nyeupe.
- h) Hijabu iwe ya rangi nyeupe na iwe fupi inayoingizwa kwenye sare.

1.2. Kwa wavulana/ wanaume

- a) Kuvaa suruali ndefu zisizo za kubana na kuchomekea na kufunga mkanda pamoja na kuvaa vitambulisho wakati wote wa darasani, wadini na maeneo ya mazoezi kwa vitendo nje ya chuo.
- b) Sare kwa kada za vyuo vya Afya na Sayansi Shirikishi: Suruali ya khaki na shati jeupe lenye mikono mifupi.
- c) Nguo zilizoruhusiwa katika maeneo ya mazoezi kwa vitendo (mfano; koti jeupe).
- d) Nguo safi zilizopigwa pasi.
- e) Nguo zinazoendana na rangi iliyochaguliwa na taasisi/Baraza la taaluma.
- f) Nguo zenye mtindo wa kushona uliopitishwa na taasisi/Baraza la taaluma.
- g) Nguo za michezo na tisheti zilizochaguliwa na taasisi/ serikali ya wanafunzi.
- h) Uvaaji wa soksi za aina moja zenye rangi nyeupe.
- i) Vest au T-Shirt inayovaliwa ndani ya shati iwe yenye rangi nyeupe.

1.3. Nguo za kujikinga na baridi zinazoruhusiwa kwa jinsia zote

- a) Sweta lenye rangi nyeupe lisilokuwa na urembo au maandishi yeyote.
- b) Kwa vyuo vilivyoko kwenye mikoa yenye baridi kali wanafunzi wanaruhusiwa kuvaa mavazi ya nyongeza juu ya sare ya chuo mfano skafu nyeupe na koti lenye rangi nyeupe.

2. NYWELE ZINAZORUHUSIWA

Ili kurahisisha usimamizi wa mwongozo huu vyuoni na pia ili kuwasaidia wanafunzi waweze kufanya kilicho sahihi, ufafanuzi wa mitindo ya nywele inayoruhusiwa ni kama ifuatavyo:

2.1. Kwa wasischana/wanawake

- a) Nywele fupi za asili za kuchania kitana.
- b) Nywele ndefu za asili zifungwe kwa vibanio kuelekea kisogoni ili sura ionekane na zisiachwe kuning'inia.
- c) Nywele za asili za kusuka kwa msitari bila rasta (Utii wa Rhoda).

2.2. Kwa wavulana/ wanaume

- a) Nywele fupi za asili zinazolingana za kuchania kitana.

3. UREMBO UNAORUHUSIWA

Ili kurahisisha usimamizi wa mwongozo huu vyuoni na ili kuwasaidia wanafunzi waweze kufanya kilicho sahihi, ufafanuzi wa aina ya urembo unaoruhusiwa ni kama ifuatavyo:

- a) Pete za ndoa.
- b) Kucha fupi.
- c) Saa.
- d) Miwani kwa wenye matatizo ya macho.
- e) Kofia kwa wenye matatizo ya ngozi (Albino).

4. VIATU VINAVYORUHUSIWA

Ili kurahisisha usimamizi wa mwongozo huu vyuoni na ili kuwasaidia wanafunzi waweze kufanya kilicho sahihi, ufafanuzi wa viatu vinavyoruhusiwa ni kama ifuatavyo:

- a) Viatu vyeusi vyenye kisigino kifupi kisichotoa sauti wakati wa kutembea sakafuni.
- b) Viatu vya michezo wakati wa michezo.

5. MAVAZI YASIYORUHUSIWA

5.1. Mavazi yasiyoruhusiwa kwa wasichana/ wanawake

- a) Nguo zinazobana.
- b) Nguo (gauni/sketi) fupi zinazoacha magoti wazi wazi manafunzi akiwa amekaa.
- c) Nguo zinazoacha sehemu ya mwili wazi kama kitovu na kifua.
- d) Nguo zinazoonyesha maungo/nguo za ndani (transparent).
- e) Nguo zilizokunjamana (Hazikunyoosha).
- f) Nguo chafu (Hazikufuliwa).
- g) Nguo zilizochanika/kufumuka zipu au vifungo.
- h) Nguo zisizoendana na rangi zilizopendekezwa kwenye fomu ya kujiunga chuoni.
- i) Nguo zisizoendana na mtindo uliopendekezwa kwenye fomu ya kujiunga chuoni.
- j) Nguo ambazo zina picha, michoro, na maandishi ambayo hayaendani na shughuli za serikali.
- k) Kaptura aina yoyote ile kama vile pedo na pensi.
- l) Suruali zilizofumuliwa (zilizotobolewa) kwenye sehemu ya magoti na mapajani.
- m) Kwenda na khanga/kitenge kwenye bwalo la chakula bila kuwa na nguo ya ndani.
- n) Kuvaa nguo za kulalia (night dress) kwenye makundi ya kusoma na kupita nazo kwenye mazingira ya chuo.
- o) Nguo yenye maandishi ya chama chochote cha siasa au ushabiki wa kitu fulani.
- p) Nguo yoyote inayopingana na maadili ya Utumishi wa Umma.
- q) T-shirt zenye picha za kutisha na maandishi yasiyo na staha.

5.2. Mavazi yasiyoruhusiwa kwa wavulana/wanaume

- a) Suruali aina ya kadeti au jeans kutumika kama sare (hata kama ni ya rangi ya khaki).
- b) Suruali za kubana (modo).
- c) Shati la kubana (Slimfit).
- d) Kuvaa suruali mlegezo (Kata K).
- e) Nguo zinazoacha sehemu ya mwili wazi kama kitovu na kifua.
- f) Kufunga vifungo vichache vya shati ili kifua kionekane.
- g) Nguo zilizochanika/kufumuka zipu au vifungo.
- h) Nguo zisizoendana na rangi zilizopendekezwa kwenye fomu ya kujiunga chuoni.
- i) Nguo zisizoendana na mtindo uliopendekezwa kwenye fomu ya kujiunga chuoni.
- j) Suruali yoyote fupi au iliyoachwa bila kupindwa chini.
- k) Suruali zilizofumuliwa (zilizotobolewa) kwenye sehemu ya magoti na mapajani.
- l) Kaptura ya aina yoyote.
- m) Nguo yenye maandishi ya chama chochote cha siasa au ushabiki wa kitu fulani.
- n) Nguo yoyote inayopingana na maadili ya Utumishi wa Umma.
- o) Nguo ambazo zina picha, michoro, na maandishi ambayo hayaendani na shughuli za serikali.

6. NYWELE ZISIZORUHUSIWA

- a) Nywele chafu ambazo hazikutengenezwa vizuri.
- b) Nywele bandia au zilizopakwa rangi.
- c) Kufuga nywele ndefu kwa wavulana/wanaume.
- d) Kusuka rasta au mtindo wowote wa nywele za kuning'inia.
- e) Unyoaji nywele mitindo isiyofaa k.m kiduku, pank, zungu la unga (kipara).
- f) Kufuga ndevu.

7. UREMBO USIORUHUSIWA

- a) Hereni, bangili, mikufu, pete ambazo si za ndoa pamoja na manukato yenye harufu kali.
- b) Kunyoa nyusi na kupaka wanja.
- c) Kupaka rangi za midomo.
- d) Kufuga kucha ndefu.
- e) Kupaka rangi kwenye kucha.
- f) Uvaaji wa kucha bandia.
- g) Meno ya urembo wa dhahabu hayaruhusiwi.

8. VIATU VISIVYORUHUSIWA

- a) Kandambili pamoja na makobazi.
- b) Viatu vya michezo pamoja na raba (isipokuwa wakati wa shughuli maalum za michezo).
- c) Viatu vya rangi isiyopendekezwa kwenye fomu ya kujiunga chuoni.
- d) Kuvaa viatu bila socks.
- e) Viatu vya mchuchumio.
- f) Viatu vya kisigino vyenye kutoa sauti kwenye sakafu.

ANGALIZO: Uvunjaji wa taratibu zilizoainishwa katika fomu hii unaendana na adhabu, ambazo zimeelekezwa katika kitabu cha maadili ya wanafunzi walioko katika vyuo vya afya kilichotolewa, na Wizara ya Afya mwaka 2019 (**Disciplinary Code for Students in Health Training Institutions Revised 2019**).

SEHEMU C: UTHIBITISHO:

Mimi niliyechaguliwa kujiunga na masomo ya Afya kwa kada ya Utabibu, nathibitisha kuzisoma na kuzielewa Sheria na Taratibu za Chuo pamoja na Mwongozo wa Mavazi niwapo chuoni. Hivyo nathibitisha kuwa, nitakuwa tayari kuzifuata kwa kipindi chote nitakachokuwa hapa chuoni na nakubali kuchukuliwa hatua za kinidhamu endapo nitathibitika kukiuka taratatibu hizo.

Jina la Mwanafunzi:

Sahihi:

Tarehe:

Mimi Mzazi/Mlezi/Mfadhili wa mwanafunzi tajwa hapo juu (katika sehemu C) aliyechaguliwa kujiunga na masomo ya Afya kwa kada ya Utabibu, nathibitisha kuzisoma na kuzielewa Sheria na Taratibu za Chuo pamoja na Mwongozo wa Mavazi utakaozingatiwa na mwanangu awapo chuoni.

Hivyo nathibitisha kuwa nitakuwa tayari na nakubali mwanangu achukuliwe hatua za kinidhamu endapo atakiuka taratatibu hizo.

Jina la Mzazi/Mlezi:

Sahihi:

Tarehe:

Imepokelewa na kushuhudiwa na:

Jina la Mkuu wa Chuo:

Sahihi:

Tarehe:

Mhuri:

KIAMBATISHO II: Fomu ya Matibabu

MEDICAL EXAMINATION FORM FOR STUDENTS JOINING ALLIED HEALTH TRAINING INSTITUTIONS

NAME OF THE INSTITUTION: BISHOP NICODEMUS HHANDO COLLEGE OF HEALTH SCIENCES

PROGRAMME: CLINICAL MEDICINE

YEAR OF STUDY: 2026/2027

PART A: STUDENT'S PARTICULARS

STUDENT'S FULL NAME:

DATE OF BIRTH:

SEX: (Male/Female): MARITAL STATUS:

PART B: STUDENT'S MEDICAL HISTORY

Does the examinee have current history of any of the following? Indicate YES or NO

Tuberculosis?

Epilepsy?

Sickle cell?

Asthmatic or with Allergic to something (specify)?

Psychiatric? Vision impairment?

Hearing disorder?

Physical disability?

Any other significant medical condition/disorder? (Please specify)

PART C: PHYSICAL EXAMINATION

Height (cm): Weight (kg): BP (mmHg):

Any significant finding from systemic examinations (please specify):

.....
.....

PART D: INVESTIGATIONS' FINDINGS

Please indicate any significant finding from the following Laboratory and Radiological tests

FBP: Urinalysis:

Random Blood Sugar (provide the results):

Blood group Stool analysis:

Any other relevant investigation performed (please give brief findings):

.....
.....
.....

PART E: CONCLUSION

I,, have examined Mr./Miss/Mrs.

and consider that he/she is physically and mentally fit/not fit to be admitted to the college for studies.

.....

Name

Signature

Date

Qualification Title

Hospital's Name:

(Official hospital's stamp)

KIAMBATISHO III: Fomu ya Usajili

BISHOP NICODEMUS HHANDO COLLEGE OF HEALTH SCIENCES

ADMISSION OFFICE

STUDENT'S REGISTRATION FORM

STUDENT NAME:

DATE OF BIRTH

NATIONALITY:

ADDRESS:

SEX : Male: { } Female: { } (*Put a √ where applicable*)

MARITAL STATUS:

TELEPHONE NUMBER:

NACTVET REG NUMBER:

PROGRAM CLINICAL MEDICINE NTA LEVEL:

REMARKS FROM NACTVET SYSTEM: Available { } Not Available { } (*Put a √ where applicable*)

If Not Available, state why?

.....

ADMISSION OFFICER'S SIGNATURE

KIAMBATISHO IV: Fomu ya Mzazi/Mlezi wa Mwanafunzi

TAARIFA ZA MZAZI/MLEZI

NDUGU WA KWANZA

JINA KAMILI (MATATU)

UHUSIANO NA MWANAFUNZI.....

ANUANI YA POSTA:

MTAA:KATA:WILAYA:

MKOA:NAMBA YA SIMU:

BARUA PEPE:

NDUGU WA PILI

JINA KAMILI (MATATU)

UHUSIANO NA MWANAFUNZI.....

ANUANI YA POSTA:

MTAA:KATA:WILAYA:

MKOA:NAMBA YA SIMU:

BARUA PEPE:

Nathibitisha kuwa taarifa nilizojaza katika fomu hii ni sahihi na kweli tupu.

JINA KAMILI LA MZAZI/MLEZI.....

SAHIHI: TAREHE:.....

Imesainiwa mbele ya (Ijazwe na Mtendaji wa Kata/mtaa/Kijiji)

JINA KAMILICHEO:

ANUANI YA POSTA:

MTAA:KATA:WILAYA:

MKOA:NAMBA YA SIMU:

SAHIHI: MUHURI WA OFISI:

TAREHE:

UTHIBITISHO WA MZAZI/MLEZI

Mimi Bw/Bi/ ambaye ni mzazi/mlezi wa
Bw/Bi nakiri kupokea maelekezo ya
Wizara/Chuo yanayomhusu kijana wangu.

Ninaahidi kumsimamia mwanafunzi huyu atekeleze maelekezo yote ikiwa ni pamoja na kulipa ada kwa ukamilifu ili aweze kupokelewa chuoni na kuanza masomo ndani ya muda uliopangwa.

Pia ninaahidi kushirikiana na uongozi wa chuo kuhakikisha mwanafunzi huyu anasoma kwa bidii na kuonyesha nidhamu wakati wote wa mafunzo.

Jina kamili la mzazi/mlezi (Wa kiume).....

Kazi anayofanya:

Anuani kamili:

Namba za simu:

Barua pepe:

Sahihi:

Jina kamili la mzazi/mlezi (wa kike).....

Kazi anayofanya:

Anuani kamili:

Namba za simu:

Barua pepe:

Sahihi:

Taarifa ya Mtendaji wa kata

Jina la Afisa Mtendaji wa Kata:

Jina la kata:

Anuani :

Namba za simu:

Barua pepe:

Sahihi:

Muhuri wa ofisi

ACCOUNTANT'S OFFICE (Payment of School Fees)

TOTAL AMOUNT PAID

TOTAL AMOUNT NOT PAID

REASON FOR AMOUNT NOT PAID

.....

.....

PAID SEMESTER II EXAMINATION FEES? YES { } NO { }

STUDENT'S SIGNATURE

ACCOUNTANT'S SIGNATURE

PATRON / MATRON OFFICE (if accommodation offered)

HOSTEL NAME / BLOCK

ASSIGNED ROOM NUMBER

STUDENT'S DISABILITY (Briefly describe in case of any disability)

.....
.....
.....

PATRON / MATRON SIGNATURE

STUDENT'S DECLARATION

I declare that all the information provided are correct to the best of my knowledge and shall be held responsible in case of wrong information.

STUDENT'S SIGNATURE

DATE